

華東稀見方志文獻 第三十九卷

中國華東文獻叢書

中國華東文獻叢書
華東稀見方志文獻
第三十九卷

中國華東文獻叢書·第一輯

華東稀見方志文獻

第三十九卷

甘肅省古籍文獻整理編譯中心
中國華東文獻叢書編輯委員會 編

中國華東文獻叢書·第一輯

甘肅省古籍文獻整理編譯中心重大整理項目

甘肅省古籍文獻整理編譯中心
中國華東文獻叢書編輯委員會 編

中國華東文燭叢書編輯委員會
甘肅省古籍文燭整理編輯中心

本輯主編：倉修良 高國祥

華東蘇貝志文燭

第八卷

福建部分主編：方寶川

副主編：陳旭東

中國華東文燭叢書·第一輯

本卷目錄

福州府志

三

〔乾隆〕

徐景熹修

魯曾煜等纂

.....

〇〇三

福州府志

三

【乾隆】徐景熹修 魯曾煜等纂

福州府志

三

〔乾隆〕《福州府志七十六卷首一卷》，清徐景熹修，魯曾煜等纂，乾隆十九年（公元一七五四年）原刊，道光十九年（公元一八三九年）補刻本（跋）。白口，單魚尾，四周雙欄。半葉九行，行二十一字。

徐景熹，字樸齊，生卒年不詳，錢塘（今浙江省杭州市）人，乾隆四年（公元一七三九年）進士，十年（公元一七四五年）任福州知府。魯曾煜，字啓人，號秋塍，生卒年不詳，會稽（今浙江省紹興市）人，康熙六十年（公元一七二二年）進士。卷前有喀爾吉善、陳宏謀等序文，卷後有歷修舊序及林春溥道光補刻跋文。

福州府志卷之四十七

名宦

歷代郡守
僚佐附

晉

嚴高太康三年爲晉安太守時初置郡詔治閩越故城高

顧視險隘不足容衆遂改築子城又鑿迎仙館前連於

海橋通舟楫之利城西瀋東西二湖溉田數萬畝至今

利之

正德
府志

宋

虞愿字士恭餘姚人泰始末爲晉平太守前政與百姓交

福州府志

卷四十七 名宦

關質錄其兒婦愿達人於道奪取還之初立學堂教授

郡出蟒蛇膽可爲藥有遺愿蛇者愿不忍殺之放二十

里外一夜蛇還牀下又放四十里外復來歸論者謂愿

仁心所感海邊有越王石常隱雲霧相傳清廉太守乃

得見愿往觀之清徹無隱

南史

王秀之字伯齊郡人元徽間爲晉平太守遺書朝士曰

郡承虞公之後善政猶存差得無事暮年求還或問其

故答曰此郡沃壤珍阜日至人所昧者財財生則禍逐

智者不昧財亦不逐禍吾山資已足豈可久留人以爲

王晉平恐富求歸

南齊書

齊

邱仲起字子震吳興人建元初爲晉平郡清廉自立舊淵

歎曰見可欲心能不亂此楊公所以遺子孫也後官至

廷尉卒

南齊書沈惠傳

按仲起舊志職官俱
誤作仲趙名宦無傳今考南齊書補入

王僧孺字僧孺東海鄉人齊文惠太子聞其名召入東官

直崇明殿欲擬爲官僚文惠薨不果時王晏子得元出

爲晉安郡以僧孺補郡丞除候官令建武初有詔舉士

楊州刺史始安王遙光表薦秘書丞王暕及僧孺曰前

福州府志

卷四十七 名宦

二

候官令東海王僧孺年三十五理尚棲約思致恬敏既

筆耕爲養亦備書成學至乃然螢映雪編蒲緝柳先言

往行人物雅俗甘泉遺儀南官故事畫地成圖抵掌可

述豈直應鼠有必對之辯竹書無落簡之謬訪對不休

質疑斯在除尚書儀曹郎

南齊書

梁

范縝字子真南鄉舞陰人天監初爲晉安太守在郡清約

資公祿而已遷尚書左丞及遷難親戚無所遺贈

梁書

按唐福州刺史俱以福建都團練觀察使兼傳列名宦

上卷並不重見

宋

楊克讓字慶孫馮翊人太平興國初以兩浙西南路轉運

使權知州事泉州民嘯聚為盜克讓在福州即率其屯

兵至泉與王明王文寶共討平之歷官廉謹幹局所至

有聲宋史參萬歷府志

馬亮字叔明合肥人舉進士淳化間諸路轉運使置糾察

刑獄官命亮覆訊福建路全活者多遷太常博士知福

州蘇易簡薦亮才任繁劇召還後以太子少保致仕呂

福州府志 卷四十七 名臣一

三

夷簡少從其父蒙章為縣吏至福州亮見而奇之妻以

女世謂亮知人宋史參閩書

謝泌字深源歙人太平興國五年進士官兩浙運使景德

初移知福州時郡城海橋要衝木梁易朽泌欲易以石

民陳祐等奔走奉命泌去任後民不忍忘而橋竟完及

聞泌卒相率縞素曰侯吾民天地也不張權不恃勢兄

弟爭者論之頑俚者責之訟幾息矣時繼守嚴辟疆尚

嚴聞其言政亦為寬後守元積中書去思易橋名民為

立祠陳烈為記正德府志

王平苗田人大中祥符中知福州轉運使王贊言福州官

田宜課租如漳泉例平日額外增稅民何以堪奏止之

書

王臻字及之汝陰人天禧中知州事閩俗姦者嘏野葛誣

人人有抵死者臻廉其狀姦不得行人甚煩之又民間

利火作倉猝輒掠其財以為常臻捕首惡杖流之民乃

安其廉明如是新舊福建通志合纂

胡則字子正婺州永康人以進士起家天聖中知福州時

張希顏奏請福州官莊田納二稅外仍輸租米則奏官

福州府志 卷四十七 名臣二

四

田多瘠且濱海有潮患不宜增稅詔從之宋史

章頻字簡之浦城人天聖中知福州偽閩時賦民官田歲

輸租稅而已至是轉運使方仲荀謂簡之可得緡錢二

十餘萬頻上疏言錢數浩大田無可輸價詔悉除之萬歷府志

府志

鄭載天聖中知福州先是知州謝泌王臻章頻皆賢而載

亦以循良稱民為歌曰前有謝王後有鄭章閩書

方嶠字次山莆田人景祐元年進士初調平陽尉改福州

司理參軍州民有誣繫獄者守促令引服嶠力辯其寃

改秘書丞著作郎陳

陳鑄字師同興化人康定初知南雄秩滿以母老不復請郡求通判福州以便養親蔡襄序其行謂鑄之孝足爲

人子之勸福州自景祐建學絃誦無聞鑄至贊其守延

師增廩以教之一時學者靡然向風正德府志

蔡襄字君謨仙遊人天聖進士由右正言直史館乞便養

親出知福州始復古之五塘又奏減五代時州民丁口

稅之半降本路轉運使等以父喪去嘉祐初以樞密直

學士禮部郎中再知福州禮士之賢者以勸學與善而

福州府志 卷四十七 名宦二 其

變民之故俗初闢士專用賦應科舉襄得耆儒周希孟

館以師禮具餐錢設都養以經術傳授襄亦屢至勸講

延處士陳烈尊以師禮而陳襄鄭穆德行著稱襄折節

下之士乃多通經習益醇俗重因事奉浮屠會賓客盡

力豐後游民貪飲食利錢財來者踵沓遂有親亡破產

辦具或立券舉債終身困不能償襄曰弊有大此者耶

卽下令禁止至於巫覡主病蠱毒殺人之類皆漸絕之

擇民之聰明者教以醫藥使治疾病條其事作五戒諭

教之閭俗不變州民刻石紀其績拜端明殿學士卒年

五十有六贈少師諡忠惠顯恭宗正德府志

曹穎叔字秀之亳州譙人皇祐中懷智高寇嶺南朝議以

閩中兵備久弛擢天章閣待制知福州推恩行惠剷煩

去蠹整肅戎政治行不下古人正德府志

燕度字唐卿益都人嘉祐中知福州會盜起度請假事權

制攝一道遂加兵馬鈴轄所至善狀日聞正德府志

元絳字厚之錢塘人登第攝上元令安撫使范仲淹表其

才嘉祐開知福州奏罷錢氏無名之徵所蒞咸有異政

而無特操工於文詞爲流輩推許拜參知政事卒年七

福州府志 卷四十七 名宦二 其

十六諡章簡宋史

程師孟字公闕吳人進士甲科熙寧中知福州築子城濬

河陞建學舍治行最東南累領劇鎮爲政簡而嚴罪非

死者不以屬吏發隱摘伏如神豪惡不逞者痛懲父之

至勦絕乃已以光祿大夫致仕卒年七十八正德府志

曾鞏字子固南豐人熙寧末以龍圖閣知州事時劔州盜

廖思雖降餘衆尙合旁連數州鞏以計致之自縛歸者

二百人奏增瀕海巡簡官自是境內盜盡息福多佛利

僧利其富饒爭欲長其徒鞏俾其徒自相推擇識諸籍

以次序錄又禁婦女無入寺官舊無職田歲朔同跪以供公費畢曰太守與民爭利可乎罷之畢所至州不遺人至縣縣不遺人至田里省文移令行禁止囹圄屢空吏民安其政萬歷府志

孫覺字莘老高郵人元豐中知福州閩俗厚於婚喪用財無藝覺裁爲中法資裝無得過百千葬埋之費亦率減十五俗大便之民欠市易錢繫者甚衆有管下富人出錢五百萬茸佛殿請於莘老莘老徐曰汝輩施錢者何曰願得福耳曰佛殿未甚壞佛未至露坐也孰若爲獄

福州府志

卷四十七 名宦二

七

囚代償官逋使數百人釋桎梏之苦得福豈不多乎富人不得已諾之即日輸錢囹圄一空史取

柯述字仲常南安人述與弟述迪嘗贊文蔡襄襄奇之嘉祐四年進士歷知襄邑盜悉奔他境神宗聞之召對便殿書其姓名於屏擢知懷州元祐元符中兩知福州

舊無貢院每大比卽廟學中爲試院先聖釋奠反移他所述擇州治東南公廨及廢地爲院構堂百二十區士人便之開書

林深之字原叔莆田人紹聖中爲福州觀察推官時溫益

知州事事一委之深之存告益曰今日廢吾手矣德府志

江常字少明惠安人靖康初知福州時建賊乘流趨迤州城常登陴呼其酋諭以禍福許爲騰奏賊羅拜散去州卒騷橫喧噪衙門常得其尤者誅之士卒始識紀律萬歷府志

府志

程邁徽州黟縣人建炎四年以朝散大夫徽猷閣待制知福州時建寇猖獗邁請師於朝命叅政孟庚少師韓世忠討平之郡人各爲立生祠因更名武備堂曰止戈以

福州府志

卷四十七 名宦二

八

旌其功自臺門至虎節門大井有七歲久多遷悉令澹

之民獲其利紹興間復以顯謨閣直學士左中奉大夫

再知州事

正德府志

張守字子回晉陵人紹興初知福州時右司員外郎張宗

臣請築福州城守奏州人困弊請俟他年遂止闕自范

汝爲之擾公私空乏守在鎮四年撫綏凋瘵奏蠲所貸

常平緡錢十五萬初僞闕以八州之產分三等上給守

觀中下給士著流寓守祇留四十餘緡餘悉爲實封歲

入不下七八萬緡以助軍資餘充雜料當時稱便正德府志

福州府志

卷四十七 名宦

九

士望他日所守不渝

宋史余正使府志

薛弼字直老永嘉人紹興間福州大盜起其黨甚盛詔陞

弼集英殿修撰知福州弼言昔守章貢有武夫周虎臣

陳敏所屬壯數百皆精悍可任勦捕乃以虎臣爲副

將敏爲巡檢選千人隸麾下號奇兵日給糧糧責以滅

賊凡四年而賊平

正德府志余福建通志

林秀字德甫莆田人紹興中通判福州適朝廷計會口給

食悉籍餘財輸戶部秀以閩中地瘠民貧州郡督辦煩

重若寺觀餘財悉籍戶部則州之歲計益歛復殃民遂

張致遠字子猷沙縣人宣和三年第進士宰相范宗尹薦

其才召對樞樞密院計議官建寇范汝爲已降猶懷又

側招安官謝鄴廬棠受賊賂陰與之通致遠謁告歸知

其情還曰執政捕案等付獄詔孟庚韓世忠討之辟致

遠爲隨軍機宜文字賊平除兩浙轉運判官遷侍御史

請罷權福建監累遷顯謨閣待制知台州以海寇鄭廣

未平改知福州廣聞致遠來輒請降致遠選留四百人

置營城外復遣廣討他郡寇數月悉平致遠鯁亮有學

識歷臺省侍從言論風采皆卓然可觀趙鼎嘗稱其有

福州府志

卷四十七 名宦

十

張次夔字和仲浦城人以廕補官福州理掾部使者攝州

事以私意撓獄次夔堅持不可使者不能奪遷西安令

余闕書

姚希得字逢源潼川人爲福州通判徒步至候官吏不知

爲通判也希得忠亮平實清儉自持好引善類不要虛

譽

正德府志

梁克家字叔子泉州晉江人幼聰明絕人紹興二十年廷

試第一淳熙六年以資政殿大學士知福州在鎮有治

績不以貴顯自泰以優擢去趙雄奏令再任降旨仍知

白府帥張澄乞澄于朝自計口外餘財充歲計朝廷如

其請

正德府志

汪應辰字聖錫信州玉山人紹興五年進士第一隆興間

知福州未幾升敷文閣待制舉朱熹白代在鎮二年奏

蠲一切苛賦應辰少從呂居仁胡安國遊張栻呂祖謙

深器許之接物溫遜遇事特立不回以忤秦檜流落嶺

嶠十有七年檜死始還朝

宋史

趙子淵字清卿宋宗室隆興初以龍圖閣直學士知福州

歲饑告糴傍郡平價濟民進龍圖閣學士移知泉州

關書

福州九年入拜右丞相封魏國公卒贈少師諡文靖嘗修三山志四十卷

宋史蔡正德府志

趙汝愚字子直宋宗室居饒之餘干早有大志每曰丈夫

得汗青一幅始不負此生乾道間擢進士第一淳熙九

年以集英殿修撰知福州仁厚愷悌持身潔白州西舊

有湖溉民田數萬畝豪湮爲田水無所儲遇潦則西北

一帶低田淪爲巨浸汝愚請復行開濬從之越四載移

四川制置紹熙初以敷文閣學士再知州事踰年擢知

樞密院事卒贈太師諡忠定嘉熙初追封福王汝愚學

福州府志

卷四十七 名宦二

七

務有用聚族而居門內三千指恩意均洽無間言爲夕

郎大冬衣布裘爲相亦然

宋史蔡正德府志閩書

陳傅良字君舉溫州瑞安人入太學與張栻呂祖謙友善

登進士甲科教授泰州參知政事龔茂良薦於朝改太

學錄出通判福州丞相梁克家領帥事委成於傅良傅

良平一府曲直壹以義強禦者不得售其私陰結言官

論罷之

宋史

林枌莆田人紹興中主閩縣簿累調福清丞敏於爲政以

清惠稱嘗捐俸以修學館後知福州前守馬大同趙汝

愚欲覓城不果枌遂成之周圍四十丈竣事而民不擾在郡簡訟寬賦民甚便之

萬曆府志

陳居仁字安行興化軍人慶元初以寶文閣待制知福州

入境有饑民哺聚部分居仁遮擊之首惡計窮自經死

治宗室之暴橫申蠱毒之舊禁踰年被調民思而祠之

居仁風度凝遠處已應物壹以誠信臨事毅然有守所

至號稱循吏

宋史蔡正德府志

倪思字正甫歸安人歷知泉州建寧後爲禮部尚書因論

事忤史彌遠力求去遂以寶謨閣直學士知鎮江府移

福州府志

卷四十七 名宦二

七

知福州彌遠拜右丞相陳晦草制用昆命元龜語思歎

曰此舜禹揖讓也乃上省牘請貼改麻制詔下分析彌

遠遂除晦殿中侍御史卽劾思藩臣僭論麻制鐫職罷

之真德秀將守泉思懸車於家貽書問政告以毋崇晏

觴毋艷琛貨靜以安民儉以化俗思歿德秀爲祠而祀

之

宋史蔡正德府志

黃慶字文叔新昌人嘉定間知福州始至訟牒日千餘慶

隨事裁決未午而畢史稱其守正不阿進退裕如粹然

君子

閩書

羅必元字亨父進賢人嘉定十年進士歷福州觀察推官有勢家李遇奪民荔支園必元直之遇爲言官以私憾罷之淳祐間通判贛州度宗卽位以直寶章閣兼宗學博士致仕卒年九十一必元常從危積包遜學最有淵源見理明風節甚高至今鄉人尊之

宋史

王居安字資道黃巖人端平初以敷文閣待制知福州尋提舉崇福宮將行鹽寇起寧化居安以書諭汀守曰土瘠民貧業於鹽可盡禁耶且彼執三首惡以自贖宜治此三人他可勿窮治部使者遣左翼軍將鄧起提兵往

福州府志

卷四十七名宦二

三

起貪夜冒險與寇角以死軍潰事聞命居安專任招捕居安既留募軍校劉華印銳者授計畫汀賊已至郡知帥撫納意卽引退華銳出入賊中指期約降有以右班攝汀守者以知兵自任欲出不急爲已功賊敗走約建劍諸郡並江西嘯聚蜂起居安議不合歎曰吾可復求焦頭爛額功耶卽拜晚歸卒累贈少保

宋史 宋史 宋史

其德秀字景元一字希元浦城人登慶元五年進士端平初以徽猷閣待制知泉州改知福州戒所部無濫刑橫歛無徇私賄貨罷市令司曰物同則價同寧有公私之

異聞縣里正苦督賦革之屬縣苦貴糴便宜發常平賤之海寇縱橫次第禽殄之日延聘耆儒躬臨講習以教郡之秀士召爲戶部尚書辭不允除翰林院學士知制誥拜叅知政事三乞祠祿以資政殿學士提舉萬壽宮卒諡文忠自侂冑立僞學之名以錮善類凡近世大儒之書皆顯禁以絕之德秀晚出獨慨然以斯文自任講習而服行之黨禁既開而正學明於世

宋史 宋史 宋史

王鎔景定五年知州事先是州學火鎔至卽撤唐安寺以其材構禮殿撤稷遊亭以其材構養元堂又創奎文閣

福州府志

卷四十七名宦二

四

橋門泮池廩厠齋舍咸具廟學一新

正德府志 福建通志

吳革咸淳初知州事雅重風化嘗創道立堂祠濂溪以下

諸賢附以賢牧又創經史閣官至戶部尚書

正德府志

按宋知州事有兼安撫司者傳列名宦上卷茲不重

見

明

楊士英洪武間知福州爲政嚴明興禮讓厚風俗凡百建

置俱有條理吏民感服鄰郡則之

萬歷府志

周孟初字仁長象山人宣德間福州府同知在任八年公

廉方介錫抑豪右閩人有鐵面之號陞泉州知府未至

卒福州府志

畢亨字文亨單縣人景泰間知福州清而能恕利弊去其

萬歷府志

太甚尤加意學校縉紳愛悅後官至都御史

江祖字崇善歙人天順間為福州推官廉謹而明郡無冤

唐珣字廷貴華亭人天順丁丑進士成化間以刑部郎中

出知福州正統而後郡守見臺省大吏傳誦過當珣始

至謁御史一揖而已有奸人假中官名號攫人財珣擒

福州府志 卷四十七 名宦 五

治之珣為政以興學勸農為先務葺學宮增書院延師

以教郡之子弟剗迎春亭於東郊時省耕歛江湖可田

者令民悉墾之築塘於五虎門以捍海潮先時省會諸

監司徭役郡獨當之珣請於上使七郡均其勞水口三

山二驛需費浩繁為哀小箬白沙羨銀足之修絲榕廣

坑等橋置四鄉義倉設四關叢塚禁火葬其於便民之

事知無不為珣勤慎通敏而持已峻潔人不敢以私干

後官至都御史郡人祀之西郊蓋二百年罕儷焉萬歷府志

參閱

蔣漢字子川上饒人弘治間知福州漢性峭直鎮守官驍

恣漢守法獨不少屈郡有靈濟宮舊遣中官掛袍戲費

公帑萬計漢上疏罷之後遂聞數歲一遣鴻臚官以為

常撫字郡人尤有恩澤與上官不合棄職歸萬歷府志

余祐字子積都陽人年十九師事胡居仁弘治十二年舉

進士為南京刑部員外郎以事忤劉瑾落職瑾誅起為

福州知府鎮守太監市物不與民直民羣訴於祐祐慰

遣之云將列狀上聞鎮守懼稍戢然恚甚遣告其黨曰

不去余祐何鎮守為然祐素廉撫拾竟無所得嘉靖初

福州府志 卷四十七 名宦 六

歷官至太僕寺卿改吏部右侍郎祐已先卒余明史

葉溥字時用龍泉人正德間知福州溥少遊學於閩具知

人情士俗及為郡每聽訟片言決之無敢欺者溥又能

以儒術飾吏治政暇蒐舉典祀崇獎節義以興教化入

覲京師無以為費過家其父為稱貸乃能治行裝萬歷府志

歐陽鐸字崇德泰和人正德中自南兵部郎出知延平有

司禮監蕭敬郡人也家人暴橫殺人官蒙不敢理鐸立

捕生之敬大怒誣以他事械繫至京會有解之者得免

尋舉劄奏調福州上疏引疾辭不許至劄裁供饋禁橫

福州府志

卷四十七

名宦

七

索於是鎮守太監尙某不敢肆欲有所泄怒會頒昨鐸謂神惠宜盡取諸祭不當益以市肉於是諸司昨以饋十之九又不及鎮守諸客尙怒曰往昨我特豕特羊今何得不至令隸委昨府庭去鐸陽爲不喻謂相禮諸生曰此尙監母乃以相勞持去姑割分之詣鎮守謝及迎春又不設雜戲尙益怒鐸以正折之尙不能屈借他事爲名肆惡聲欲因激發相毆擊鐸第魚睨而已尙迫塞出忤謬語鐸徐拱手言曰此非臣子所宜言上聞之無乃不可乎徑趨出尙偵伺數月無可得乃因三司官謝

過焉於時客過府城至不敢張宴上官索辦不下福州府皆陽爲獎譽內殊不喜會編審里甲鐸謂福州海六山三田賦僅十一役不得優仕宦偏累齊民於是巨室閤然議起謂非人情不可近獨御史汪珊益敬鐸不爲撓衆議稍息嘉靖初入覲舉治行第一賜半酒綵報後仕至吏部右侍郎諡恭簡

閩書卷

汪文盛字希周崇陽人正德辛未進士初授饒州推官入爲兵部武選司主事諫南巡拜杖嘉靖三年出知福州文盛有吏才多智畧初至值大役踞乞錫租發廩復四

福州府志

卷四十七

名宦

六

鄉和倉傲朱子備荒法行之故歲雖饑而民無流徙務興水利開上王舊港塞新河灌田四十餘頃又減丁錢省傳費築羅源諸邑城議處琉球諸舶法施於後操下極嚴不得以一錢冒費公帑上官若鎮守若監司私取於民必曲泥之政暇則課諸爲文官終大理寺卿時有長樂令汪琯者婺源人也嘉靖四年夏旱秋潦文盛與琯籲憲司發倉廩疏以聞詔蠲是年田租民爲之歌曰天降殃歲卒荒不有二汪誰立我僵

萬曆府志卷長樂縣志

朱豹字子文上海人嘉靖間知福州歷官有廉聲彜中有鷓鴣豹幼子玩弄之臨行欲持歸豹妻急止之曰爾父未嘗持一毫官物二鳥亦官物也可持歸耶其清操信於妻子如此

閩書

胡有恒字貞甫山陽人嘉靖癸未進士嘉靖間知福州勤敏練達先時郡驛傳例役富民求取無節往往破產有恒議更僱役令民出錢輸之官而費始有經御史下其法於七郡至今行焉建寧有陳咸者被誣坐大辟十九年有恒雪其冤永春盜流劫所司官監捕五十餘人拷掠瀕死猶不得實事下有恒鞠治有恒見所繫梃子一